

Udruženje poslodavaca BPK Goražde već je pet godina glas poslodavaca i poduzetnika na području BPK Goražde.

Naši su članovi male, srednje i velike kompanije koje zapošljavaju preko hiljadu radnika i ostvaruju dvije trećine Budžeta našeg kantona.

Ono što je zanimljivo jest i spoznaja da smo iz godine u godinu povećavali broj članova, a to je najbolja potvrda da je Udruženje poslodavaca BPK Goražde istinski glas poslovnog sektora koji se na najbolji mogući način, u okolnostima u kojima djelujemo, bori za interese poslodavaca i poduzetnika.

UPBPK Goražde to nikad ne bi mogao postati da nije bilo naših članica koje su svih ovih 5 godina pokretali hvalje vrijedne inicijative, projekte prema izvršnoj vlasti na općinskoj, kantonalnoj i federalnoj razini.

Naravno, nama su uvijek najvažniji upravo oni projekti koji potiču rast i razvoj poslovnih aktivnosti naših članica.

Postali smo i važan centar za podršku članicama u apliciranju sredstva iz različitih domaćih i stranih fondova.

Tokom svih ovih godina UPBPK Goražde je bio i važna podrška svim našim članicama u različitim situacijama u kojima im je trebala pomoć u pravnim pitanjima, kreiranju zakonskih prijedloga, otvaranju poslovnih mogućnosti u suradnji s domaćim i inozemnim partnerima.

To smo mogli jer imamo kvalitetnu garnitur na čelu udruženja, ali i kvalitetnu stručnu službu koja podržava svoje članstvo u svim onim situacijama u kojima procjene da im Udruženje poslodavaca BPK Goražde može biti korisna.

Naravno, to ne bi bilo moguće bez financijske podrške naših članica jer je članstvo u UPBPK Goražde dobrovoljno i financiramo se isključivo iz članarina naših članica.

U pet godina postojanja smo narasli s nekoliko na više desetina članica, a toliki broj poslodavaca koji su po definiciji racionalni u odlučivanju, ne može biti u krivu. Mi se u UPBPK Goražde trudimo da ispunimo očekivanja svojih članova.